

ÁRSSKÝRSLA 2022

Starfsáætlun 2023

**FRÆÐSLUMIÐSTÖÐ
VESTFJARÐA**



Fræðslumiðstöð Vestfjarða
Miðstöð símenntunar á Vestfjörðum

Fræðslumiðstöð Vestfjarða
Kennitala 511199-2049
Suðurgata 12, 400 Ísafjörður
Heimasíða frmst.is
Netfang frmst@frmst.is
Ársskýrsla 2022 og starfsáætlun 2023

Júní 2023

Efnisyfirlit

Efnisyfirlit.....	3
Fræðslumiðstöð Vestfjarða.....	5
Fulltrúaráð og stjórn Fræðslumiðstöðvar Vestfjarða árið 2022.....	6
Fulltrúar Fræðslumiðstöðvar í öðrum stofnunum.....	7
Starfsfólk Fræðslumiðstöðvar Vestfjarða árið 2022.....	7
Kennarar og leiðbeinendur.....	7
Starfsstöðvar og starfsaðstaða.....	8
Ísafjörður.....	8
Patreksfjörður.....	8
Rekstur Fræðslumiðstöðvar Vestfjarða.....	9
Formlegir samstarfsaðilar.....	9
Félags- og vinnumarkaðsráðuneyti.....	9
Fræðslumiðstöð atvinnulífsins – Fræðslusjóður.....	9
Háskólasetur Vestfjarða.....	10
Fjölmennt.....	10
Virki og Starfsendurhæfing Vestfjarða.....	10
Námið.....	11
Fjöldi námskeiða og fjöldi þátttakenda.....	11
Fjöldi nemendastunda.....	12
Nemendastundir eftir svæðum (kennslustað).....	13
Skipting eftir lögheimili þátttakenda.....	14
Kynjahlutfall þátttakenda.....	15
Vottaðar námsleiðir.....	15
Réttindanám.....	16
Íslenska sem annað mál.....	17
Almenn námskeið.....	18
Fullorðinsfræðsla fatlaðra.....	18
Önnur verkefni.....	19
Náms- og starfsráðgjöf/hvatningarviðtöl.....	19
Raunfærnimat.....	20
Þjónusta við atvinnulíf.....	21
Fræðsla fyrir fyrirtæki og stofnanir.....	21
Samstarf við Vinnumálastofnun á Vestfjörðum.....	22
Samstarf við stéttarfélög og starfsmenntasjóði.....	22
Frístundafiskimenn.....	22

Próunarverkefni	23
Gæðavottun	23
Starfsáætlun 2023	24
Starfsmarkmið fyrir árið 2023	24
Fjárhagsáætlun 2023	25
Vottaðar námsleiðir	25
Náms- og starfsráðgjöf 2023	26
Raunfærnimat 2023	26
Íslenska sem annað mál 2023	26
Fullorðinsfræðsla fyrir fólk með fötlun 2023	27
Þjónusta við fyrirtæki og stofnanir 2023	27
Lokaorð	27

Fræðslumiðstöð Vestfjarða

Hér gefur að líta 23. ársskýrslu Fræðslumiðstöðvar Vestfjarða og er henni ætlað að lýsa starfsemi og verkefnum miðstöðvarinnar árið 2022. Einnig fylgir starfsáætlun fyrir árið 2023.

Fræðslumiðstöð Vestfjarða er sjálfseignarstofnun sem hefur það markmið að efla menntun á Vestfjörðum og þá einkum að standa fyrir fræðslustarfsemi sem ekki heyrir undir námskrárbundið nám á grunn- og framhaldsskólastigi, nema sérstaklega verði um það samið. Í þessu sambandi skulu þarfir atvinnulífs og íbúa sérstaklega hafðar í huga. Lögð skal áhersla á að sem flestir íbúar Vestfjarða hafi aðgang að þjónustu Fræðslumiðstöðvarinnar óháð búsetu. Fræðslumiðstöðin hafi enn fremur forgöngu um fjarkennslu á sem flestum sviðum.

Helstu verkefni Fræðslumiðstöðvar Vestfjarða:

- Skipulagning og umsjón með námsleiðum Fræðslumiðstöðvar atvinnulífsins
- Skipulagning og umsjón með íslenskunámskeiðum
- Skipulagning og umsjón með almennum námskeiðum
- Raunfærnimat
- Náms- og starfsráðgjöf
- Hvatningarviðtöl
- Fræðslustjóri að láni ásamt fræðsluáætlun
- Upplýsingamiðlun
- Nemendabókhald
- Afgreiðsla og bókhald
- Próftaka háskólanema og annarra á Ísafirði, Hólmavík og Patreksfirði

Fulltrúaráð og stjórn Fræðslumiðstöðvar Vestfjarða árið 2022

Við Fræðslumiðstöðina er starfrækt fulltrúaráð, skipað einum fulltrúa frá hverjum stofnaðila og einum til vara. Fulltrúaráðið er æðsta stjórn miðstöðvarinnar. Hlutverk þess er að ákveða meginþætti í stefnu og starfstilhögun Fræðslumiðstöðvar Vestfjarða.

Fulltrúaráð Fræðslumiðstöðvar Vestfjarða er þannig skipað í lok árs 2022:

Stofnun/samtök	Aðalfulltrúi	Varafultrúi
Byggðasamlag Vestfjarða um málefni fatlaðs fólks	Sif Huld Albertsdóttir – varaformaður fulltrúaráðs	Aðalstein Óskarsson
Kjölur (áður FosVest)	Ragnheiður Ása Ingvarsdóttir	Pórunn Sunneva Pétursdóttir
Fjórðungssamband Vestfirðinga	Dagbjört Hjaltadóttir	Hrafnhildur Guðbjörnsdóttir
Menntaskólinn á Ísafirði	Heiðrún Tryggvadóttir	Hildur Halldórsdóttir
Náttúrustofa Vestfjarða	Sigurður Halldór Árnason	Hulda Birna Albertsdóttir
Útvegsmannafélag Vestfjarða	Einar Valur Kristjánsson	Kristján G. Jóakimsson
Verkalýðsfélag Vestfirðinga	Ásdís Birna Pálsdóttir	Margrét Jóhanna Birkisdóttir
Vestfjarðastofa	Sigríður Kristjánsdóttir	Aðalsteinn Óskarsson
Vinnuveitendafélag Vestfjarða	Kristján G. Jóhannsson – formaður fulltrúaráðs	Sigurður Viggósson

Stjórn Fræðslumiðstöðvar Vestfjarða er skipuð fimm fulltrúum. Þrjú aðalfulltrúar og þrjú til vara eru kosnir á aðalfundi fulltrúaráðs, einn aðalfulltrúi og einn til vara eru tilnefndir af skólanefnd Menntaskólans á Ísafirði og þá á formaður fulltrúaráðs sjálfkrafa setu í stjórn og er varaformaður fulltrúaráðs varamaður hans. Stjórnin skiptir með sér verkum.

Stjórn Fræðslumiðstöðvar Vestfjarða skipa nú:

- Heiðrún Tryggvadóttir, formaður, Menntaskólanum á Ísafirði
- Ragnheiður Ása Ingvarsdóttir, Kili (áður Félagi opinberra starfsmanna á Vestfjörðum)
- Arnheiður Jónsdóttir
- Kristján G. Jóhannsson, Vinnuveitendafélagi Vestfjarða, formaður fulltrúaráðs
- Sigurður Halldór Árnason, Náttúrustofu Vestfjarða

Varamenn stjórnar:

- Ásdís Birna Pálsdóttir, Verkalýðsfélagi Vestfirðinga
- Einar Valur Kristjánsson, Útvegsmannafélagi Vestfjarða
- Hildur Halldórsdóttir, Menntaskólanum á Ísafirði
- Margrét Birkisdóttir, Verkalýðsfélagi Vestfirðinga
- Sif Huld Albertsdóttir, Byggðasamlagi Vestfjarða um málefni fatlaðs fólks.

Á milli aðalfunda hélt stjórnin þrjá bókaða fundi. Formaður stjórnar og formaður fulltrúaráðs voru í tíðari samskiptum við forstöðumann.

Fulltrúar Fræðslumiðstöðvar í öðrum stofnunum

Fræðslumiðstöð Vestfjarða á aðild að Háskólasetri Vestfjarða, Vestfjarðastofu og Starfsendurhæfingu Vestfjarða. Eftirtaldir eru fulltrúar miðstöðvarinnar á aðalfundum/ársfundum þessara aðila:

Háskólasetur Vestfjarða: Aðalmaður Dagný Sveinbjörnsdóttir, varamaður Sædis María Jónatansdóttir.

Vestfjarðastofa: Aðalmaður: Sædis María Jónatansdóttir, varamaður Dagný Sveinbjörnsdóttir.

Starfsendurhæfing Vestfjarða: Aðalmaður Sædis María Jónatansdóttir, varamaður Sigurborg Þorkelsdóttir.

Starfsfólk Fræðslumiðstöðvar Vestfjarða árið 2022

Í byrjun árs voru 4,55 stöðugildi hjá Fræðslumiðstöð Vestfjarða en í lok árs voru stöðugildin 4,65. Á árinu urðu þær breytingar að Andrea Gylfadóttir höf störf sem verkefnastjóri í 60% starfshlutfalli. Helga Konráðsdóttir var í veikindaleyfi hluta ársins og lækkaði starfshlutfall sitt í 50% frá 1. október.

Í lok árs 2022 störfuðu hjá Fræðslumiðstöð Vestfjarða:

- Andrea Gylfadóttir, verkefnastjóri, 60% starfshlutfall.
- Barbara Maria Gunnlaugsson, verkefnastjóri, 80% starfshlutfall.
- Dagný Sveinbjörnsdóttir, verkefnastjóri, 50% starfshlutfall.
- Davíð Rúnar Gunnarsson, verkefnastjóri í Vesturbyggð og Tálknafirði, 50% starfshlutfall.
- Elzibeta Pawluczuk, ræsting, 25% starfshlutfall.
- Helga Konráðsdóttir, verkefnastjóri og náms- og starfsráðgjafi, 50% starfshlutfall.
- Sólveig Bessa Magnúsdóttir, verkefnastjóri, 50% starfshlutfall.
- Sædis María Jónatansdóttir, forstöðumaður, 100% starfshlutfall.

Kennarar og leiðbeinendur

Stór hluti af starfsemi Fræðslumiðstöðvar Vestfjarða byggist á vinnu verktaka sem sjá um kennslu námskeiða og námsleiða. Verktakar sjá líka um að vera matsaðilar í raunfærnimati.

Fræðslumiðstöðin leggur mikla áherslu á að þeir sem kenna séu sérfræðingar á sínu sviði. Þótt miðstöðin sækir kennara út fyrir svæðið þá er lagt mikið upp úr því að fá kennara sem búa á Vestfjörðum. Með því er verið að nýta þá þekkingu sem til er á svæðinu, byggja upp reynslu og skapa atvinnu.

Árið 2022 voru verktakar hjá miðstöðinni rétt rúmlega 60 talsins og um 60% þeirra búsettir á Vestfjörðum.

Starfsstöðvar og starfsaðstaða

Fræðslumiðstöð Vestfjarða hefur í langan tíma verið með starfsstöðvar á þremur stöðum á Vestfjörðum, Ísafirði, Hólmavík og Patreksfirði. Frá hausti 2021 hefur miðstöðin hins vegar ekki haft fast aðsetur á Hólmavík og eingöngu átt samstarf við verktaka á staðnum og í auknum mæli við Strandabyggð.

Ísafjörður

Miðstöðin leigir rúmlega 300 fermetra húsnæði af Vestra ehf. á 1. hæð að Suðurgötu 12. Aðstaðan samanstendur af tveimur kennslustofum, þremur skrifstofurýmum, fundarherbergi og sameiginlegu rými. Fyrirhugað er að endurnýja húsbúnað á árinu 2023.

Patreksfjörður

Á Patreksfirði er Fræðslumiðstöðin með aðstöðu í Þekkingarsetrinu SKOR. Í SKOR er námskeiðsaðstaða fyrir litla hópa og aðstaða til að taka próf hvort sem eru háskólapróf eða framhaldsskólapróf. Þegar upp koma verkefni fyrir stærri hópa hafa húsnæðismál verið leyst með öðrum hætti.

Rekstur Fræðslumiðstöðvar Vestfjarða

Árið 2022 var rekstur Fræðslumiðstöðvar Vestfjarða jákvæður. Auk hefðbundinna verkefna var unnið að frekari innleiðingu á nemendabókhaldskerfinu Innu. Í Innu eru skráðar allar vottaðar námsleiðir, niðurstöður úr raunfærnimati og viðtöl í náms- og starfsráðgjöf, ásamt hvatningarviðtölum. Áfram var unnið að rafrænu bókhaldi og innleiðingu á Office 365.

Formlegir samstarfsaðilar

Félags- og vinnumarkaðsráðuneyti

Símenntunarstöðvarnar voru færðar undir nýtt ráðuneyti, þ.e. frá menntamálaráðuneytinu til félags- og vinnumarkaðsráðuneytisins. Fræðslumiðstöð Vestfjarða og félags- og vinnumarkaðsráðuneytið gerðu með sér samning þann 1. janúar 2022 sem gildir til 31. desember 2023. Í samningnum er kveðið á um þá þjónustu sem Fræðslumiðstöðin á að veita. Þar segir:

Fræðslumiðstöðin mun vinna að markmiðum framhaldsfræðslulaga nr. 27/2010 með því að reka miðstöð framhaldsfræðslu á Vestfjörðum; greina þarfir fyrir fræðslu og bjóða upp á ráðgjöf, raunfærnimat og námskeið fyrir markhópa laganna þ.á.m. bjóða fólki með erlend móðurmál íslenskukennslu. Námsþjónusta, sem skilgreind er í lögum um framhaldsfræðslu, skal veitt og þróuð í samstarfi, meðal annars við Fræðslumiðstöð atvinnulífsins, Fræðslusjóð og aðra hlutaðeigandi aðila. Fræðslumiðstöðin skal vera með fjarnáms- og kennsluaðstöðu á Vestfjörðum vegna framhaldsfræðslu og veita nemum á öðrum skólastigum þjónustu eftir því sem þörf er á og fjárhagur leyfir.

Úthlutun til Fræðslumiðstöðvarinnar á fjárlögum ársins 2022 voru 26,9 milljónir, auk viðbótarframlags að upphæð ríflega 700 þúsund.

Fræðslumiðstöð atvinnulífsins – Fræðslusjóður

Fræðslumiðstöð atvinnulífsins (FA) er einkahlutafélag í eigu Alþýðusambands Íslands, Samtaka atvinnulífsins, BSRB, fjármála- og efnahagsráðuneytis og Sambands íslenskra sveitarfélaga. FA er með þjónustusamning við félags- og vinnumarkaðsráðuneytið annars vegar og símenntunarmiðstöðvarnar hins vegar.

Fræðslusjóður ráðstafar þeim framlögum sem Alþingi ákveður í fjárlögum hverju sinni. Úthlutanir Fræðslusjóðs greinast í meginatriðum í þrennt samkvæmt úthlutunarreglum sem ráðherra staðfestir:

- framlög til fræðsluaðila til að mæta kostnaði við kennslu og námskeiðahald
- framlög til að mæta kostnaði við raunfærnimat og náms- og starfsráðgjöf
- styrkveitingar til nýsköpunar- og þróunarverkefna í framhaldsfræðslu.

Fræðslumiðstöð Vestfjarða sækir á hverju ári um úthlutun úr sjóðnum. Fyrir árið 2022 fengust rúmar 18 milljónir til kennslu vottaðra námsleiða, 7,6 milljónir í raunfærnimat og rétt um 5,4 milljónir til náms- og starfsráðgjafar. Auk þess fékk miðstöðin viðbótarúthlutun upp á 7 milljónir vegna vottaðra námsleiða. Því miður náðist ekki að koma öllu úthlutuðu fjármagni í framkvæmd

innan ársins og því voru um 14 milljónum skilað aftur til Fræðslusjóðs, þar af voru 2,7 milljónir vegna raunfærnimats (framlag frá 2021).

Háskólaþetur Vestfjarða

Fræðslumiðstöð Vestfjarða og Háskólaþetur Vestfjarða hafa lengi verið með samning sín á milli um að á Hólmavík og Patreksfirði sjái miðstöðin um framkvæmd prófatöku fyrir háskólana í landinu. Árið 2022 sá starfsfólk Fræðslumiðstöðvarinnar einnig að hluta til um yfirsetu prófa á Ísafirði. Fræðslumiðstöðin og Háskólaþetur hafa einnig haft samvinnu sín á milli varðandi kennsluhúsnæði þegar önnur hvor stofnunin þarf auka kennslustofu.

Fjölmennt

Fræðslumiðstöðin er með þjónustusamning við Fjölmennt – símenntunar og þekkingarmiðstöð um sí- og endurmenntun fyrir fólk með fötlun, 20 ára og eldra og hefur sá samningur verið endurnýjaður árlega. Í samningnum er kveðið á um að Fræðslumiðstöðin skuli bjóða upp á fjölbreytt námstækifæri fyrir fólk með fötlun á Vestfjörðum. Framlög til námskeiðahalds voru 3 milljónir á árinu 2022 og voru haldin 13 námskeið.

Virk og Starfsendurhæfing Vestfjarða

Gott samstarf er við Starfsendurhæfinguna og Virk, en einstaklingar sem eru í þjónustu þar geta sótt námskeið og náms- og starfsráðgjöf hjá Fræðslumiðstöðinni, og einnig raunfærnimat eftir því sem við á.

Námið

Á heildina litið er margt jákvætt þegar tölfræði ársins 2022 er skoðuð, námskeiðum fjölgar lítillega á milli ára og bæði fjöldi nemenda og nemendastunda er töluvert meiri en fyrra ár. Áhrifa samkomutakmarkanna vegna Covid-19 gætti ekki lengur á námskeiðshald og því var aftur hægt að leggja áherslu á staðkennd námskeið fyrir atvinnulífið. Fjarkennd námskeið voru áfram í boði enda vill Fræðslumiðstöðin auka möguleika fólks á að taka þátt í námi miðstöðvarinnar óháð búsetu. Hefur það skilaði fleiri þátttakendum með lögheimili utan Vestfjarða en hefur hins vegar ekki ýtt undir þátttöku Vestfirðinga með lögheimili utan norðanverðra Vestfjarða sem er vissulega áhyggjuefni.

Miklar sveiflur eru á milli ára innan einstakra námsflokka. Nokkur vöxtur er í almennum námskeiðum en lang mesti viðsnúningurinn er í réttindanámi sem hafði ekki verið neitt árið á undan. Árið 2022 var aftur hægt að bjóða upp á smáskipanám, bæði skipstjórn og vélstjórn, eftir að nýjar námskrár sem beðið hafði verið eftir lágu loks fyrir, leyfi fékkst til að kenna og samningar náðust við samstarfsaðila. Mikilvægi þessa náms fyrir starfsemina sést best á því að um 40% nemendastunda árið 2022 eru vegna réttindanáms. Reyndar verður að hafa í huga að mögulega var uppsöfnuð þörf sem jók eftirspurnina og þátttökuna og einnig eiga endurmenntunarnámskeið atvinnubílstjóra hluta að máli en engin slík réttindanámskeið voru árið á undan.


Hins vegar var mjög mikill samdráttur í vottuðu námi, bæði fjölda námsleiða og fjölda nemenda. Einnig voru þær námsleiðir sem haldnar voru flestar tiltölulega stuttar eða kenndar að hluta og skiluðu þar af leiðandi ekki eins mjög mörgum nemendastundum og oft áður.

Til viðbótar við venjubundið nám voru tvö sérverkefni á könnu Fræðslumiðstöðvarinnar á árinu. Annars vegar var námskeiðahald fyrir flóttafólk frá Úkraínu og hins vegar voru tölvunámskeið fyrir eldra fólk sem miðstöðin fékk eftir útboð. Tölfræði þessara námskeiða er inn í annarri tölfræði fyrir árið en stuttlega sagt frá þeim sérstaklega í lok samantektar um nám ársins.


Hér á eftir eru helstu tölulegar upplýsingar um námið 2022.

Fjöldi námskeiða og fjöldi þátttakenda

Fræðslumiðstöð Vestfjarða stóð fyrir 123 námskeiðum árið 2022 (118 árið 2021). Fjölgun námskeiða á milli ára er vegna fleiri almennra námskeiða og sérstaklega fleiri réttindanámskeiða en ekkert réttindanám var árið 2021. Fjöldi íslenskunámskeiða var nánast sá sami. Hins vegar var mikil fækkun í fjölda námsleiða og nokkur fækkun í fjölda námskeiða fyrir fólk með fötlun vegna lægri framlaga frá Fjölmennnt.




Samantlagður fjöldi þátttakenda í öllu námi hjá Fræðslumiðstöð Vestfjarða árið 2022 var 1.491 sem er nokkur fjölgun frá árinu 2021 þegar þátttakendur voru 1.194.




Rétt um 60% þátttakenda, 889 manns, voru að sækja almenn námskeið, 319 voru skráðir á íslenskunámskeið, 93 tóku þátt í vottuðu námi og þátttakendur á námskeiðum fyrir fólk með fötlun voru 59. Fjölgun þátttakenda á milli ára er fyrst og fremst komin til vegna fjölgunar þátttakenda á almennum námskeiðum og í réttindanámi. Þátttakendum í íslenskunámi fjölgaði lítillega á milli ára en nokkur fækkun var í námi fyrir fólk með fötlun og mjög mikil fækkun í vottuðu námi.

Fjöldi nemendastunda

Nemendastundir eru mælikvarði á umfangi fræðslustarfs en þar er búið að margfalda fjölda nemenda á hverju námskeiði með fjölda kenndra kennslustunda á sama námskeiði. Starfsmarkmið fyrir árið 2022 voru 30.000. Markmiðið náðist og rúmlega það þar sem nemendastundir enduðu í 40.245. Nemendastundir eru því orðnar sambærilegar við það sem gerðist árin fyrir Covid-19.



Í samanburði við fyrra ár eru mjög miklar breytingar í fjölda nemendastunda í einstökum flokkum. Í almennum námskeiðum eru rúmlega helmingi fleiri nemendastundir árið 2022 en árið á undan, nemendastundir í íslensku eru aðeins fleiri en nokkur samdráttur er í nemendastundum á námi fyrir fólk með fötlun. Mestu breytingarnar eru í vottuðum námsleiðum þar sem nemendastundum fækkar um meira en helming á milli ára og í réttindanámi þar sem engar nemendastundir voru skráðar árið 2021 en það er stærsti einstaki flokkurinn 2022. Nánar verður fjallað um nemendastundir í einstökum flokkum hér á eftir.



Nemendastundir eftir svæðum (kennslustað)

Dreifing nemendastunda á milli svæða var ekki í takti við það sem sett var fram í starfsmarkmiðum ársins 2022. Þegar talað er um svæði hér þá er átt við hvar námskeið er haldið en ekki búsetu nemenda. Í markmiðunum er annars vegar horft til námskeiða sem eru niðurgreidd eða styrkt, þ.e. vottað nám með stuðningi Fræðslusjóðs, íslenska með stuðninga frá Rannís og nám fyrir fólk með

fötun í samstarfi við Fjölmennt, og hins vegar eru sett markmið fyrir annað nám sem eru þá almenn námskeið og réttindanám.


Í stuttu máli var heildarfjöldi nemendastunda rétt rúmlega 10.000 umfram sett markmið. Frávikin eru mikið til vegna sveiflunnar sem varð í vottuðum námsleiðum og réttindanámi. Auk þess var mikil óvissa um hvernig þróunin yrði varðandi þátttöku og kennslufyrirkomulag eftir allar ráðstafanir sem fylgdu kórónuveirufaraldrinum.

Nemendastundir skipt eftir svæðum og flokkum – starfsmarkmið 2022 og árangur				
Svæði	Niðurgreitt nám (vottaðar námsleiðir, íslenska og nám fyrir fatlaða)		Annað nám (almenn námskeið og réttindanám)	
	Markmið	Árangur	Markmið	Árangur
Norðursvæði	5.700	6271	1.800	4614
Suðursvæði	500	270	150	90
Strandir og Reykhólar	50	0	100	264
Fjarkennt	18.750	9.780	2.950	17.456
Staðkennt og fjarkennt*		1.080		420
Samtals	25.000	17.401	5.000	22.844

*Nám þar sem nemendur eru bæði í skólastofu og í fjarfundi.

Skipting eftir lögheimili þátttakenda

Í gegnum tíðina hefur þátttaka á námskeiðum verið langmest á norðanverðum Vestfjörðum þar sem mannfjöldinn er mestur. Árið 2022 var þar engin undantekning. Skipt eftir svæðum þá voru þátttakendur með skráð lögheimili á norðanverðum Vestfjörðum 992 (759 árið 2021), í Vesturbyggð og Tálknafirði 79 (98 árið 2021), á Ströndum og Reykhólum 58 (63 árið 2021) en 362 (274 árið 2021) með skráð lögheimili utan Vestfjarða. Þátttakendum með lögheimili á norðanverðum Vestfjörðum fjölga sem og fólki sem búsett er utan Vestfjarða en áfram fækka fólki með búsetu á sunnanverðum Vestfjörðum, Reykhólum og Ströndum.




Þegar Covid-19 skall á með öllum sínum sóttvarnarreglum og samkomutakmörkunum í mars 2020 var allt nám í Fræðslumiðstöðinni í einni svipan sett í fjarkennslu. Eftir því sem dróg úr áhrifum Covid jókst staðbundin kennsla á ný en engu að síður er meira nám fjarkennt nú en fyrir 2020. Með fjarkennslunni sköpuðust aukin tækifæri fyrir Vestfirðinga sem búa utan norðanverðra Vestfjarða á því að sækja nám miðstöðvarinnar. Reynslan frá Covid-tímanum var þó sú að þátttaka fólks á þeim svæðum hefur dregist saman frekar en hitt þrátt fyrir aukið framboð á fjarkenndu námi.

Fjarkennslan hefur hins vegar fjölgað þátttakendum sem búa utan Vestfjarða. Eins og fyrra ár eru það tvö verkefni sem ráða lang mestu. Í fyrsta lagi er íslenskukennsla fyrir Taílandinga þar sem nokkrir fjölmennir hópar hafa verið í gangi og lang flestir þátttakendur með lögheimili utan Vestfjarða. Hins vegar er verkefni sem unnið er í samstarfi við Fræðagarð – félag háskólamenntaðra en nánast allir þátttakendur sem koma í gegnum það verkefni eru búsettir utan Vestfjarða. Einnig hefur fólk utan Vestfjarða sótt smáskipanámið og Velferðartækni.

Kynjahlutfall þátttakenda

Frá stofnun Fræðslumiðstöðvar Vestfjarða hefur verið töluverður kynjahalli á námskeiðum, körlum í óhag. Einungis einu sinni hafa karlar verið fleiri en konur en það var árið 2018. Árið 2022 var hlutfall karla aðeins hærra en undanfarin tvö ár og helgast það af því að smáskipanám hófst að nýju en það nám er að langmestu leyti sótt af körlum.



Vottaðar námsleiðir

Vottaðar námsleiðir eru kenndar samkvæmt námskrám frá Fræðslumiðstöð atvinnulífsins með stuðningi Fræðslusjóðs og eru ætlaðar fólki sem ekki hefur lokið námi í framhaldsskóla. Á árinu 2022 voru alls 8 hópar í vottuðum námsleiðum hjá Fræðslumiðstöð Vestfjarða sem er töluverð fækkun frá fyrra ára þegar hóparnir voru 14. Flestar námsleiðirnar sem kenndar voru eru fremur stuttar, um og innan við 60 kennslustundir en Stökkpallur og Hönnunar- og frumkvöðlasmiðja eru þó lengri.


Námsleið	Hópar
Grunnnámskeið fyrir fiskvinnslufólk	1
Hönnunar- og frumkvöðlasmiðja	1
Líf og heilsa	2
Stökkpallur	2
Uppleið	1
Velferðartækni	1

Í fyrsta skipti var boðið upp á námið Velferðartækni hjá Fræðslumiðstöð Vestfjarða og var það fjarkennt. Reyndist rúmur fjórðungur þátttakenda búsettur utan Vestfjarða enda hefur þetta nám sjaldan verið í boði hjá öðrum símenntunarmiðstöðvum.

Fræðslumiðstöðin hefur um langt árabili haldið Grunnnámskeið fyrir fiskvinnslufólk í samstarfi við fiskvinnslufyrirtæki á svæðinu. Eitt slíkt námskeið var haldið árið 2022. Einnig var samstarf við fiskvinnslufyrirtæki um námskrána Líf og heilsa og voru hóparnir tveir, en aðeins hluti námsins var kenndur. Bæði fiskvinnslunámskeiðið og Líf og heilsa voru túlkuð á pólsku.

Fræðslumiðstöðin á í góðu samstarfi við Vinnumálastofnun um að bjóða upp á nám fyrir atvinnuleitendur. Árið 2022 voru kenndar námsleiðirnar Stökkpallur og Uppleið. Þá voru tvær námsleiðir kenndar með stuðningi verkefnisins Nám er tækifæri í samvinnu við Vinnumálastofnun, annars vegar einn hópur í Stökkpalli og hins vegar Hönnunar- og frumkvöðlasmiðja.

Samanlagður fjöldi þátttakenda í vottuðum námsleiðum voru 93 sem er veruleg fækkun frá fyrri árum (voru 176 árið áður). Að sama skapi fækkaði nemendastundum mikið og enn frekar þar sem töluverður hluti af námsleiðunum voru annað hvort nokkuð stuttar eða kenndar að hluta.



Réttindanám


Fræðslumiðstöðin hefur í gegnum tíðina átt í samstarfi við nokkra aðila varðandi réttindanám og hefur það farið eftir eftirspurn hverju sinni hvað er í boði. Sem dæmi þá hefur miðstöðin verið í

samstarfi við Menntaskólann á Ísafirði um nám í vélgæslu og einnig um afnot af húsnæði, til dæmis fyrir verklegan hluta í vélgæslunámi, og í samstarfi við Skipstjórnarskóla Tækniskólans um smáskipanám. Þá er miðstöðin með leyfi frá Samgöngustofu til að kenna endurmenntunarnámskeið sem atvinnubílstjórar þurfa að sækja til þess að endurnýja atvinnuréttindi sín.

Eftir rúmlega árs hlé þar sem ekkert smáskipanám var í boði vegna reglugerðabreytinga og tafa á nýrri námskrá var aftur hægt að bjóða upp á smáskipanám hjá Fræðslumiðstöðinni. Námið hefur lengst töluvert frá því sem áður var, bæði í skipstjórn og vélstjórn. Náminu var vel tekið hjá fyrirtækjum og einstaklingum og ljóst að mikil þörf er fyrir slíkt nám í heimabyggð. Einn hópur lauk skipstjórn vorið 2022 auk þess sem nokkrir sem áður höfðu lokið gamla náminu tóku viðbót til að öðlast réttindi í samræmi við nýju námskrána. Haustið 2022 fóru svo af stað hópar bæði í skipstjórn og vélstjórn sem munu ljúka námi vorið 2023.


Sömuleiðis var þráðurinn tekinn upp aftur í endurmenntunarnámskeiðum fyrir atvinnubílstjóra eftir hlé árið 2021 og voru átta námskeið haldin haustið 2022.

Sú staðreynd að smáskipanámið fór af stað af krafti og bílstjórnarnámskeiðin einnig leiddi af sér að nemendastundir í réttindanámi hjá Fræðslumiðstöðinni hafa aldrei verið fleiri en árið 2022 og í fyrsta skipti í sögu miðstöðvarinnar er réttindanámið sá flokkur sem er með langflestar nemendastundir, rúmlega 40%.




Íslenska sem annað mál

Kennd voru 38 námskeið í íslensku fyrir fólk af erlendum uppruna árið 2022. Síðari hluta árs 2021 fékkst viðbótarúthlutun frá Rannís til íslenskukennslu og var það framlag að hluta til nýtt á árinu 2022. Þátttakendum fjölgaði lítillega á milli ára, úr 305 árið 2021 í 319 árið 2022, og nemendastundum sömuleiðis. Nemendastundir í íslensku eru nú rétt tæpur fjórðungur allra nemendastunda hjá Fræðslumiðstöðinni. Frá 2019 hefur verið samvinna við tvo kennara um að bjóða upp á sérsniðin fjarkennd námskeið fyrir Tailendinga og skrifast fjölgun þátttakenda í íslensku að veruleg leyti á hversu vel hefur tekist til með það verkefni.



Almenn námskeið


Stærstur hluti þátttakenda í námi hjá Fræðslumiðstöðinni er að sækja hin svokölluðu almennu námskeið. Í þessum flokki eru bæði tómstundanámskeið og námskeið sem líta má á sem endurmenntun og starfsþróun. Samanlagður fjöldi þátttakenda árið 2022 var 889 (631 árið 2021) og nemendastundirnar 6.257 (3.156 árið áður). Þetta er mikil aukning frá síðasta ári sem skýrist að verulegu leyti af mjög fjölmennunum námskeiðum sem miðstöðin var með fyrir Fræðagarð annars vegar og hins vegar starfstengdum námskeiðum sem haldin voru fyrir fyrirtæki á svæðinu en lítið var hægt að gera af slíku árin á undan á meðan samkomutakmarkanir vegna Covid settu þátttöku á staðkenndum námskeiðum miklar skorður.



Fullorðinsfræðsla fatlaðra

Á námskeiðum fyrir fólk með fötlun urðu nemendastundirnar á árinu 502 og þátttakendurnir 59. Það er nokkur fækkun frá árinu 2021 þegar nemendurnir voru 82 og nemendastundirnar 764.

Framboð á námskeiðum fyrir fólk með fötlun ræðst af því fjármagni sem miðstöðin fær frá Fjölmennt. Árið 2021 fékk miðstöðin aukafjárveitingu og gat því verið með meira framboð sem skýrir að töluverðu leyti þann samdrátt sem verður milli 2022 og 2021. Önnur breyting sem orðið hefur, og leiðir af sér færri nemendastundir, er sú að nú hefur miðstöðin leyfi til að hafa námskeið fyrir mjög fámenna hópa. Með því er hægt að sníða námskeiðin betur að þörfum þátttakenda og bæta þannig þjónustuna við þennan hóp.



Önnur verkefni

Þjónusta við flóttafólk

Árið 2022 tóku sveitarfélögin á norðanverðum Vestfjörðum á móti flóttafólki frá Úkraínu. Í tengslum við það verkefni tók Fræðslumiðstöðin að sér að kenna nám sem kallast Landneminn og er samfélagsfræðsla fyrir fullorðna innflytjendur. Þá hefur Fræðslumiðstöð einnig staðið fyrir íslenskunámskeiðum fyrir fólk frá Úkraínu.

Tölvunámskeið fyrir 60+

Fræðslumiðstöðin tók þátt í útboði á vegum Ríkiskaupa og félagsmálaráðuneytisins um kennslu í tölvulæsi fyrir eldra fólk. Um var að ræða sérsniðin námskeið ætluð til að hjálpa eldra fólki að nýta sér þjónustu og rafræn samskipti á netinu með það að markmiði að draga úr félagslegri einangrun, njóta afþreyingar á netinu og auka notkun á þjónustusíðum. Fræðslumiðstöðin fékk fjármagn til að halda sex námskeið, tvö á Ísafirði og eitt á eftirtöldum stöðum: Hólmavík, Patreksfirði, Þingeyri og Bolungarvík. Námskeiðin voru haldin haustið 2022 og var þátttaka eins og ráð var gert fyrir í útboðslýsingunni.

Náms- og starfsráðgjöf/hvatningarviðtöl

Hjá Fræðslumiðstöðinni starfar einn náms- og starfsráðgjafi sem sinnir hvatningar- og starfsþróunarsamtölum við ráðþega auk þess að bjóða upp á náms- og starfsráðgjöf. Aðrir ráðgjafar og verkefnastjórar hjá miðstöðinni sinna einnig viðtölum og aðstoða fólk eftir þörfum. Í nokkur ár hefur verið boðið upp á hvatningarviðtöl á pólsku og er það töluvert notað. Ráðgjöf fer fram á

starfsstöðvum Fræðslumiðstöðvarinnar, inni á vinnustöðum og í auknum mæli í gegnum fjarfund eða síma.

Fyrir árið 2022 var framlag Fræðslusjóðs til náms- og starfsráðgjafar hjá Fræðslumiðstöð Vestfjarða rétt tæplega 5,4 milljónir, en þar af voru nýttar um 5,1 milljón. Heildarfjöldi viðtala hjá Fræðslumiðstöðinni voru 348. Þar af voru 340 viðtöl greidd af Fræðslusjóði en 8 viðtöl voru greidd af öðrum. Um 27% viðtala voru rafræn (sími eða fjarfundur). Tölfræði viðtala er eftirfarandi:

Kyn	
Kona	182
Karl	165
Kynsegin/annað	1
Alls	348

Menntunarstig	
Grunnskóli	175
Framhaldsskóli (hóf nám en lauk ekki)	107
Stúdentspróf	8
Starfsmenntun - minna en tvö ár	29
Starfsmenntun - tvö ár eða meira	20
Iðnmenntun	5
Háskólapróf	4
Alls	348

Aldursbil	
25 ára og yngri	41
26-35 ára	89
36-45 ára	75
46-55 ára	60
56 ára og eldri	83
Alls	348

Viðtalstegund	
Hópráðgjöf	8
Hvatningarviðtal	171
Ráðgjafaviðtal	169
Alls	348

Staða á vinnumarkaði	
Atvinnuleitandi	86
Hlutastarf og hlutabætur	1
Í námi	11
Í starfi	248
Starfsendurhæfing	1
Annað	1
Alls	348

Ástæða viðtals	
Að eigin frumkvæði	118
Boðun í viðtal vegna VMST	23
Eftir kynningu í fyrirtæki eða stofnun	88
Eftirfylgni vegna raunfærnimats	13
Færnimöppugerð	5
Færnimöppugerð v. raunfærnimats	22
Skimun í raunfærnimat	39
Stuðningur í matssamtali	40
Alls	348

Þjóðerni	
Ísland	180
Pólland	147
Aðrar þjóðir	21
Alls	348

Raunfærnimat

Aukin áhersla hefur verið á raunfærnimat undanfarin ár. Vinna við raunfærnimat felst í því að kynna matið fyrir mögulegum þátttakendum, veita ráðgjöf og aðstoða við undirbúning matsins, útvega matsaðila og skipuleggja framkvæmd og veita eftirfylgni og ráðgjöf að mati loknu. Hjá Fræðslumiðstöðinni var boðið upp á raunfærnimat fyrir þjónustubrautir (félagsliða, leikskólaliða og

stuðningsfulltrúa), fisktækni (fiskvinnsla og fiskeldi) og í almennri starfshæfni. Í almennri starfshæfni er ekki metið á mótí áföngum í formlega skólakerfinu og því fá þátttakendur engar einingar í því mati. Þá var einnig boðið upp á raunfærnimat í matartækni í fyrsta skipti í langan tíma. Kom það til þar sem Menntaskólinn á Ísafirði hafði um nokkurt skeið ráðgert að bjóða upp á nám í matartækni og var því kjörið að gera það nám aðgengilegra með því að bjóða væntanlegum þátttakendum upp á að fá færni sína metna.

Alls fóru 31 í gegnum raunfærnimat hjá Fræðslumiðstöð Vestfjarða og voru metnar einingar alls 1332.

Raunfærnimat hjá Fræðslumiðstöð Vestfjarða	Fjöldi þátt.	Konur	Karlar	Fjöldi metinna eininga	Meðaltal metinna eininga	Meðalaldur
Almenn starfshæfni	13	3	10	-	-	44
Þjónustubrautir (félagliðar, leikskólaliðar, stuðningsfulltrúar)	6	6		465	78	36
Fisktækni	8	1	7	676	85	35
Matartækni	4	1	3	191	48	45
Samtals	31	11	20	1332	74	

Ákveðið var að flytja hluta þess fjármagns sem fékkst til raunfærnimats yfir á næsta ár en raunfærnimatsárið er 18 mánuðir og er því fram á mitt ár 2023.

Þjónusta við atvinnulíf

Á árinu 2022 hefur Fræðslumiðstöðin haldið áfram að leggja áherslu á að efla tengsl við fyrirtæki og stofnanir á svæðinu, bæði með því að bjóða upp á starfstengd námskeið og aðra þjónustu eins og Fræðslustjóra að láni. Þessi hluti starfseminnar var í ákveðinni lægð á meðan mestu samkomutakmarkanirnar voru í gangi vegna kórónuveirufaraldursins en fór vel af stað á árinu.

Fræðslustjóri að láni

Verkefnið Fræðslustjóri að láni byggist á að lána mannauðsráðgjafa til fyrirtækja sem er sérhæfður í vinnustaðafraeðslu og óformlegri menntun. Ráðgjafinn fer yfir fræðslu- og þjálfunarmál fyrirtækisins, dregur fram það sem vel er gert, gerir eða dýpkar greiningu á þörfum fyrirtækisins og samhæfir við önnur námskeið eða viðurkenndar fræðsluleiðir innan óformlega fræðslukerfisins. Afurð verkefnisins er sérsniðin fræðsluáætlun þar sem búið er að leggja línurnar í fræðslumálum marga mánuði fram í tímann. Ekkert Fræðslustjóraverkefni var í gangi árið 2022 fyrir utan eitt tilraunaverkefni innan Fræðslumiðstöðvarinnar.

Fræðsla fyrir fyrirtæki og stofnanir

Árið 2021 hóst samstarf milli Fræðslumiðstöðvar og Ísafjarðarbæjar um að bjóða upp á námskeið fyrir starfsfólk sveitarfélagsins og hélt það áfram árið 2022. Í samráði við mannauðsstjóra Ísafjarðarbæjar var sett upp dagskrá sem leiddi af sér að haldin voru fimm námskeið. Því til viðbótar voru haldin fjögur námskeið fyrir leikskóla í sveitarfélaginu, námskeið sem ekki voru inn á upprunalegu dagskránni. Þá var haldið eitt námskeið fyrir starfsfólk Bolungarvíkurkaupstaðar og eitt

námskeið fyrir starfsfólk leikskóla Vesturbyggðar. Í þessu sambandi skiptir samstarfssamningur við fræðslusjóðinn Sveitamennt mjög miklu máli (sjá nánar neðar).

Í gegnum tíðina hefur Fræðslustöðin átt gott samstarf við fyrirtæki í sjávarútvegi og voru þó nokkur námskeið haldin fyrir þau, til að mynda námskeið um fjölmenningu, samskipti, gæðakerfi, öryggismál auk grunnnámskeiðs fyrir fiskvinnslufólk svo dæmi séu nefnd.

Fræðslumiðstöðin á í góðu samstarfi við Rauða krossinn um að bjóða upp á skyndihjálparnámskeið og hafa fyrirtæki og stofnanir verið dugleg að nýta sér þá þjónustu.

Samstarf við Vinnumálastofnun á Vestfjörðum

Fræðslumiðstöðin á gott samstarf við Vinnumálastofnun á Vestfjörðum s.s. í tengslum við ráðgjöf, úrræði og annað sem stofnunin er að leita eftir hverju sinni. Árið 2022 voru fjórir hópar frá Vinnumálastofnun í vottuðum námsleiðum. Til viðbótar við lengra nám þá voru haldin þrjú námskeið um gerð ferilskrár og/eða virkni í atvinnuleit sem kennd voru á pólsku. Þar fyrir utan gátu atvinnuleitendur sótt önnur námskeið með stuðningi Vinnumálastofnunar.

Samstarf við stéttarfélag og starfsmenntasjóði

Fræðslumiðstöðin hefur undanfarin ár verið með samning við sjóðina Sveitamennt og Ríkismennt um að það starfsfólk sem vinnur hjá ríki eða sveitafélögum og greiðir til Verkalýðsfélags Vestfirðinga eða Verkalýðs- og sjómannafélags Bolungarvíkur geti sótt starfstengd námskeið sér að kostnaðarlausu, þ.e. sjóðirnir greiða fyrir sitt félagsfólk og Fræðslumiðstöðin sækir námskeiðsgjöldin beint til sjóðanna. Þetta samstarf hefur skipt miklu máli þegar kemur að því að bjóða upp á fræðslu fyrir starfsfólk sem fellur undir þessa sjóði.

Haustið 2021 hófst samstarf Fræðslumiðstöðvarinnar og Fræðagarðs – félags háskólamenntaðra sem felur í sér að Fræðslumiðstöðin sjái um að skipuleggja og halda ákveðin námskeið fyrir félagsfólk í Fræðagarði. Námskeiðin eru stutt, fjarkennd og opin þátttakendum í einn mánuð. Árið 2022 voru haldin sex slík námskeið fyrir Fræðagarð.

Í gegnum tíðina hefur Fræðslumiðstöð einnig átt gott samstarf við Sameyki, Félag sjúkraliða og nú stéttarfélagið Kjöl eftir að Félag opinberra starfsmanna á Vestfjörðum sameinaðist því. Samstarfið er oftast í formi þess að starfsmenntasjóðir félaganna greiða þátttökugjöld fyrir sitt fólk á tiltekin námskeið.

Frístundafiskimenn

Frá sumrinu 2012 hefur Fræðslumiðstöðin í samvinnu við ferðaþjónustufyrirtæki og með leyfi Samgöngustofu séð um próf sem lögð eru fyrir erlenda frístundafiskimenn sem koma til Vestfjarða og hafa ekki nauðsynleg réttindi. Standist þeir prófið fá þeir tilskilin réttindi samkvæmt reglugerð nr. 1005/2010 (með síðari breytingum) um frístundafiskiskip og öryggi þeirra og námsskrá.

Undanfarin ár hefur Veigar Gíslason séð um prófin fyrir hönd Fræðslumiðstöðvarinnar. Prófað var á Flateyri og Suðureyri, alls 63 einstaklingar. Til samanburðar voru prófin árið á undan 49. Mögulega gætti enn áhrifa frá Covid-19 á komu erlendra ferðamanna til Íslands því árin fyrir Covid voru prófin oft í kringum 100 talsins yfir sumarið.

	Staður			Þjóðerni	
	Fjöldi þáttt.	Flateyri	Suðureyri	Þýskaland	Annað
Apríl	11	8	3	7	4
Maí	16	7	9	13	3
Júní	13	11	2	8	5
Júlí	15	11	4	10	5
Ágúst	7	2	5	6	1
September	1		1	1	
Samtals	63	39	24	45	18

Þróunarverkefni

Starfsfólk Fræðslumiðstöðvar tók þátt í tveimur Evrópuverkefnum árið 2022 sem bæði voru lærdómsrík.

Fyrir Covid tók Fræðslumiðstöðin þátt í Evrópuverkefni um námi í fiskeldi sem gekk undir heitinu Blue mentor. Verkefnið var leitt af aðilum í Noregi en aðrir þátttakendur komu frá Íslandi og einnig frá Skotlandi til að byrja með. Verkefnið lá að mestu niðri 2020-2021 vegna Covid en var endurvakið árið 2022. Hlutverk Fræðslumiðstöðvarinnar í verkefninu var að skoða stöðu fræðslumála fyrir starfsfólk í fiskeldi og hvernig hægt væri að koma til móts við fræðsluþarfir innan greinarinnar. Miðstöðin fékk Guðrúnu Önnu Finnbogadóttur hjá Vestfjarðastofu til liðs við sig í greiningarvinnunni. Þátttakendur frá Noregi heimsóttu Fræðslumiðstöðina sumarið 2022 og um haustið fór forstöðumaður miðstöðvarinnar, ásamt Guðrúnu Önnu, til Noregs til að kynna sér hvernig staðið er að fræðslumálum í fiskeldi á svæði sem er að mörgu leyti sambærilegt við aðstæður á Vestfjörðum. Verkefninu mun ljúka á vorönn 2023.

Hitt Evrópuverkefnið ber nafnið Projekt Slaskie og snýr að iðnmenntun og hvernig efla megí markaðssetningu og námsframboð iðnnáms. Þátttakendur eru nokkrar stofnanir frá Slaskie héraði í Póllandi auk Vestfjarðastofu, Fræðslumiðstöðvar og Menntaskólans á Ísafirði.

Gæðavottun

Tilvist gæðakerfis með áherslu á nám fullorðinna er eitt af skilyrðum þess að teljast viðurkenndur fræðsluaðili í fullorðinsfræðslu af mennta- og menningarmálaráðuneytinu. Fræðslumiðstöðin hefur verið með EQM gæðavottunina (European Quality Mark) frá árinu 2013. EQM er gagnsætt matsferli fyrir fræðsluaðila til að meta starfshætti sína út frá viðurkenndum gæðaviðmiðum. EQM tekur mið af gæðum þjónustunnar sem fræðsluaðili veitir, innri gæðastjórnun og verklagsreglum fræðsluaðila og hvernig núverandi starfshættir samræmast viðurkenndum gæðaviðmiðum. Fræðslumiðstöð atvinnulífsins er með samning um EQM-úttektir og á slík úttekt að fara fram reglulega hjá símenntunarmiðstöðvum.

Upphaflega náði vottunin aðeins til náms en nú er raunfærnimat og náms- og starfsráðgjöf einnig undir og kallast kerfið þá EQM+.

Fræðslumiðstöðin fór í úttekt í október 2022 og fékk mjög góða niðurstöðu um að starfsemin byggir á stöðlum EQM+ er varðar fræðslu, náms- og starfsráðgjöf og raunfærnimat. Viðurkenningin gildir til 2025.

Starfsáætlun 2023

Starfsmarkmið fyrir árið 2023

Á árinu 2023 setur Fræðslumiðstöð Vestfjarða sér að ná eftirtöldum markmiðum í starfsemi sinni.

- Heildartekjur verði umfram heildargjöld.
- Fjöldi nemendastunda í vottuðum námsleiðum, íslensku fyrir útlendinga og námi fyrir fatlaða verði ≥ 22.600 .
 - Þar af verði fjöldi nemendastunda á norðursvæði Vestfjarða ≥ 6.800 .
 - Þar af verði fjöldi nemendastunda á suðursvæði Vestfjarða ≥ 300 .
 - Þar af verði fjöldi nemendastunda á Reykhólum og Ströndum ≥ 50 .
 - Þar af verði fjöldi nemendastunda í fjarkennslu eða dreifnámi ≥ 15.450 .
- Fjöldi nemendastunda í öðru námi verði ≥ 16.400 .
 - Þar af verði fjöldi nemendastunda á norðursvæði Vestfjarða ≥ 2.200 .
 - Þar af verði fjöldi nemendastunda á suðursvæði Vestfjarða ≥ 150 .
 - Þar af verði fjöldi nemendastunda á Reykhólum og Ströndum ≥ 100 .
 - Þar af verði fjöldi nemendastunda í fjarkennslu eða dreifnámi ≥ 14.000 .
- Fjöldi viðtala hjá náms- og starfsráðgjafa verði ≥ 420 .
- Þátttakendur í raunfærnimati verði frá öllum svæðum Vestfjarða.
 - Fjöldi þátttakenda í raunfærnimati í fisktækni/fiskeldi verði ≥ 10 .
 - Fjöldi þátttakenda í raunfærnimati í samstarfi við lðuna ≥ 1 .
 - Fjöldi þátttakenda í raunfærnimati í þjónustubrautum verði ≥ 7 .
 - Fjöldi þátttakenda í raunfærnimati í matartækni verði ≥ 2 .
 - Fjöldi þátttakenda í raunfærnimati í skipsstjórn í samstarfi við Visku verði ≥ 3 .
 - Fjöldi þátttakenda í raunfærnimati í almennri starfshæfni verði ≥ 8 .
- Fræðslumiðstöð vinni að a.m.k. einu fræðslugreiningarverkefni hjá fyrirtæki/stofnun.
- Fræðslumiðstöð ljúki við *Blue mentor* verkefnið og haldi áfram vinnu við *Projekt Slaskie* verkefnið.
- Áframhaldandi samstarf við starfsmenntasjóði.
- Lokið verði við innleiðingu Office 365.
- Fræðslumiðstöð setji formlega starfsþróunaráætlun fyrir starfsfólk miðstöðvarinnar.

Fjárhagsáætlun 2023

Fjárhagsáætlun byggir á þeim starfsmarkmiðum sem Fræðslumiðstöð Vestfjarða hefur sett sér á árinu 2023 og þeim forsendum sem fyrir þeim liggja.

Í janúar 2023 voru fastir starfsmenn 7 í um það bil 4,65 stöðugildum. Miðstöðin mun áfram reka mannaðar starfsstöðvar á Ísafirði og Patreksfirði og leitast við að bjóða upp á þjónustu um alla Vestfirði.

Heildartekjur Fræðslumiðstöðvar Vestfjarða árið 2023 eru áætlaðar um 103,9 milljónir og heildargjöld um 102,5 milljónir króna.

Nánari sundurliðun er í meðfylgjandi töflum. Það er gert ráð fyrir endurnýjun á húsbúnaði og tækjum á árinu 2022.

Tekjur	Raun 2022	Áætlun 2023
Framlög og styrkir		
Rekstrarsamningar vegna framhaldsfræðslu	26.900.000	26.900.000
Styrkir	4.396.500	4.900.000
Styrkir geymdir til næsta árs, breyting	2.233.250	1.000.000
Samtals	33.529.750	32.800.000
Sí- og endurmenntun		
Framlög frá ríki v. Íslenska f. útlendinga	4.500.000	5.400.000
Framlög frá Fræðslumiðstöð atvinnulífsins	24.091.270	31.900.000
Greitt af þátttakendum	39.942.467	32.500.000
Endurgreiddur brúarkostnaður	1.212.168	1.300.000
	69.745.905	71.100.000
Samtals tekjur	103.275.655	103.900.000
Gjöld		
Laun og launatengd gjöld	(45.613.142)	(51.000.000)
Skrifstofu- og stjórnunarkostnaður	(7.382.272)	(10.000.000)
Annar rekstrarkostnaður	(8.671.220)	(9.000.000)
Verkefna- og námskeiðskostnaður	(33.665.413)	(34.300.000)
Fyrningar/afskriftir	(214.168)	(200.000)
	95.546.215	102.500.000
Afkoma fyrir vaxtaliði	7.729.440	1.400.000
Vaxtaliðir	801.814	
Hagnaður (tap)	8.531.254	

Vottaðar námsleiðir

Framlög Fræðslusjóðs til kennslu vottaðra námsleiða árið 2023 eru 20.122 þúsund krónur. Áætlað er að kenna 11 námsleiðir. Reiknað er með að meðaltali rúmlega 10 þátttakendum í hverjum hópi.

Vottaðar námsleiðir sem áætlað er að kenna árið 2023

Námsleið	Hópar
Grunnnámskeið fyrir fiskvinnslufólk	2
Líf og heilsa	1
Velferðartækni	1
Íslensk menning og samfélag	1
Stökkpallur	1
Fræðsla í formi og lit	1
Tæknilæsi og tölvuþjónusta	1
Smiðja	1
Uppleið	2
Alls	11

Náms- og starfsráðgjöf 2023

Framlag Fræðslusjóðs til náms- og starfsráðgjafar á árinu 2023 er 6.274 þúsund krónur auk 250 þúsund króna í akstur og ferðalög. Áætlað er að þetta dugi fyrir um 420 viðtölum.

Raunfærnimat 2023

Framlag Fræðslusjóðs til raunfærnimats á árinu 2023 eru samtals 5.565 þúsund krónur og skiptist þannig á greinar:

- Fiskvinnsla og fiskeldi
- Iðngreinar í samstarf við IÐUNA
- Þjónustubrautir
- Matartækni
- Skipstjórn (samstarf Viska)
- Almenn starfshæfni

Milli ára voru færðar kr. 4.705.720 til raunfærnimats en heimilt er að vinna fyrir það fjármagn út júní 2023.

Íslenska sem annað mál 2023

Fræðslumiðstöð Vestfjarða gerir ráð fyrir að kenna 36 námskeið í íslensku sem annað mál á árinu 2023 (eitt auka námskeið vegna viðbótarúthlutunar). Hvert námskeið er 30 kennslustundir og er gert ráð fyrir 10 þátttakendum á hverju námskeiði. Námskeiðin hafa ýmist verið stað- eða fjarkennd. Á árinu tók miðstöðin þátt í verkefni Háskólaseturs, Íslenskuvænt samfélag, við erum öll almannakennarar. Verkefnið snýst um vitundarvakningu, hvað felst í því að læra málið og hvernig samfélagið getur stuðlað að framförum fólks í íslensku. Verkefnið hlaut viðurkenningu frá Íslenskri málnefnd.

Fullorðinsfræðsla fyrir fólk með fötlun 2023

Fræðslumiðstöð Vestfjarða hefur í mörg ár verið í samstarfi við Fjölmenn – símenntun og þekkingarsetur um kennslu og þjónustu við fólk með fötlun. Hefur Fjölmenn veitt styrki til þeirrar kennslu. Framlag fyrir árið 2023 eru 3.000.000 kr. eins og undanfarin ár og mun námskeiðahald markast af því.

Þjónusta við fyrirtæki og stofnanir 2023

Fræðslumiðstöð Vestfjarða ætlar að leggja aukna áherslu á þjónustu við fyrirtæki og stofnanir varðandi stuðning við fræðslu og þjálfun starfsfólks. Tækin sem miðstöðin hefur eru:

- Fræðslustjóri að láni þar sem fram fer greining fræðsluþarfa með greiningarkerfinu Fagleg fyrirtækjafræðsla. Verkefni eru styrkt af starfsmenntasjóðum.
- Fræðsluáætlanir.
- Sérniðin starfstengd námskeið samkvæmt beiðnum fyrirtækja og stofnana.
- Almenn starfstengd námskeið.
- Leiðsögn um hvar er hægt að sækja um styrki vegna fræðslu starfsmanna.
- Hæfnigreining starfa.

Lokaorð

Starfsumhverfi Fræðslumiðstöðvar Vestfjarða hefur breyst og þróast síðustu misserin og ekki sér fyrir endann á því ferli. Í upphafi árs fluttist framhaldsfræðslan frá menntamálaráðuneytinu til félags- og vinnumarkaðsráðuneytisins og í lok árs hófst vinna við endurskoðun laga um framhaldsfræðslu og stendur sú vinna enn yfir. Kórónuveirufaraldurinn kallaði eftir nýjum nálgunum en einnig höfum við tekist á við breytingar sem rekja má til fjórðu iðnbyltingarinnar. Breytingar sem þessar eru í senn spennandi og ögrandi, geta verið erfiðar en gera störfin að sumu leyti auðveldari þegar fram í sækir. Það er öllum hollt að fara út fyrir þægindarammann og við í Fræðslumiðstöðinni erum vel meðvituð um það.

Við finnum öll fyrir breytingum á samfélagi sem tekst á við hraða tæknivæðingu, hnattvæðingu og fólksflutninga. Fræðslumiðstöðin getur stutt fólk og fyrirtæki og þar með samfélagið í því að takast á við þessar breytingar. Fræðsla og menntun getur einnig stutt við frelsi og lýðræði og stuðlað að virkri þátttöku fólks í samfélaginu. Leggjum rækt við mannauðinn og notum til þess þær bjargir sem símenntunarkerfið býður upp á. Ef þú ert með hugmynd að verkefni prófaðu þá að hafa samband.

Undirrituð vill nota tækifærið og þakka starfsfólki fyrir vel unnin störf og stjórn Fræðslumiðstöðvar Vestfjarða fyrir samstarfið á liðnu starfsári. Einnig vil ég þakka fyrirtækjum, stofnunum og einstaklingum fyrir gott og gefandi samstarf á árinu 2022.

Með von um gróskumikið og skemmtilegt komandi starfsár,

Sædís María Jónatansdóttir, framkvæmdastýra.